

ՀՀ Գեղարքունիքի մարզպետ Կարեն Սարգսյանի շնորհավորանքի խոսքը՝ Ուսուցչի օրվա առթիվ

05.10.2021

Սիրելի ուսուցիչներ,

Շնորհավորում եմ ձեզ, մասնագիտական տոնի՝ Ուսուցչի օրվա առթիվ:

Այս տոնը ևս մի գեղեցիկ առիթ է մեծարանքի ու երախտագիտության խոսքեր հղելու ձեզ և կրկին փաստելու, որ անգնահատելի է ուսուցչի դերը նոր սերնդի հայեցի կրթության և ազգային արժեքների ոգով դաստիարակության գործում:

Ամենօրյա ազնիվ ու տքնաջան աշխատանքով դուք ձեր արժանի ավանդն եք ներդնում մեր պետության արժանի քաղաքացիների ձևավորման գործում:

Վստահեցնում եմ, որ հետևողականորեն շարունակելու ենք կրթական համակարգի բարեփոխման, դպրոցաշինության, ուսուցիչների սոցիալական վիճակի բարելավման և հասարակության մեջ ուսուցչի դերի բարձրացմանն ուղղված ջանքերը:

Կրկին շնորհավորում եմ մեր հարգարժան ուսուցիչներին, մաղթում քաջառողջություն, անսպառ եռանդ, բարօրություն և անթաքույց երախտագիտություն՝ բոլոր սաների աչքերում:

ՀՀ Գեղարքունիքի մարզպետ Կարեն Սարգսյան